

Aymara - Agape Kellkatanaca - God's Love Letter Scriptures

Juan 15:9 Cunjämti Awquejjajj nayaru munasquitu, uca pachparaquiw nayajj jumanacar munasipjisma; uca pachpa munasiñanraqui jacapjjam.

Isaías 43:1 Ucampis jichhajj Israel, Jacobon marcapa, jumar uywiri Tatitojj sistamwa: "Jan ajsaramti, nayaw khespiysma, nayaw sutimat jawssma, jumajj nayanctawa.

Jeremías 1:5 Janira jumar jacaña churcäyäsmä ucqhatpachwa ajlläsmä; janira nascäyäta ucqhatpachwa nayajj yakhachäsmä; marcanacan profetapäñamataquiw jumarojj uchsma" sasa.

Juan 15:16 Janiw jumanacati nayar ajllipquista, jan ucasti nayaw jumanacar ajllipjisma sarapjjañamataqui, uqhamaraqui walja achupjjañamataqui, uca achusti acht'añapataquiraqui. Uqhamatwa cuntejj nayan sutejjar mayipcäta ucija Awquejj churapjjätam.

3 Juan 1:2 Munat jilata, Diosarоjj maytwa juman take cunas suman sarañapataqui, uqhamarac jan usuntañamataqui cunjämatejj ajayunjja waliquisctajja uqhamá.

Isaías 43:4 nayan jumar munatajj laycu, jumajj wali jila alanítawa, nayasti wal munassma. Jumajj nayancañamataqui jacañam khespiyañataquisa, nayajj jakenacwa, uqhamaraqui marcanacwa catuya.

Jeremías 31:3 ucapachaw nayajj juparojj jayatpacha uñstta. Wiñay munasiñampi nayajj munsma, ucataracwa qhuyapayasiñampi jichhacam uñjascsma.

Oseas 11:8 ¿Cunjämarac apanuct'asimasti, Efraín? ¿Cunjämarac jaytanucümasti, Israel? ¿Adma marca tucjctja uqhamti tucjaraquirisma, jan ucajj Zeboimarojj cuntejj lurcta uqhamraccha luririsma? ¡Chuymajjaw ch'allijtitu, jumataquisti qhuyapayasiñan phokt'ataraquítwa!

Juan 3:16 Diosajj acapachar wal munatap laycuw mä sapa Yokapar qhitani, take qhitinacatejj jupar iyawsapqui ucanacajj jan chhakañapataqui, jan ucasti wiñay jacañaníñapataqui.

Isaías 49:15,16 Ucampis: "¿Mä taycajj wawanacaparоjj armasiti, munasiñaps janiraquich churqui? Inas uca taycajj armaschispa, ucampis nayajj janipuniw armascäti. 16 Nayajj amparajjan kellkt'atpuni irpsma, perkanacamatsti amtasipuntwa.

Isaías 41:13 Naya, juman Tatitu Diosamaw, jumarojj amparat wayjjarsma, irparacsma; nayaw saracsma: 'Jan ajsaramti, nayaw yanapascäma.'

Mateo 28:20 Yatichapjjaraquim take cuntejj nayajj jumanacar yatichapcsma

ucanaca phokhaña. Amtasipjjapunim, nayajj sapürupuniw jumanacampüscta acapachan tucusiñapcama.

Juan 14:1 Jan jumanacajj llaquisipjjamti. Iyawsapjjam Diosaru, nayarus iyawsapjjaraquita.

Isaías 41:14 Tatitusti saraquiwa: "Israel, Jacobon marcapa, jisc'äscamsa, pisi ch'amäscaraquimsa, jan ajjsaramti, nayaw yanapascäma. Naya, Israelan Kollan Diosapa, nayaw khespiyirimätja.

Isaías 43:2 Umanjam maqhatañamächejja, nayaw jumampïscäjja, jawiranac maqhatañamächejja, janiw jalantasin jiwcätati; ninanjam pasañnamächejja, janiw naqhantcätati, ninas janiw jumanjja naccaniti.

Salmos 23:1-6 Tatituw awatirejjajja, janiw cunats t'akhescäti: 2 suma ch'ojjña pastonacaruw samart'ayitu; k'oma uma thiyanacaruw awatitu, 3 jupaw machak ch'am churitu, cheka thaquinjam irpit, sutipar jach'añchañ laycu. 4 Ajjsarcay lajja ch'amac chekawja sarcasasa, janiw cunarus ajjsarcäti, nayamp chic saratam laycu: lawamasa, thujrumasa, ch'am churitani. 5 Uñisirinacajjan uñjcañaw mank'añ waquicharapista, k'apquir kollampiw p'ekejjat jawintista, vasojjasti phokharasquiwa. 6 Munasiñamamp qhuyapayasiñamampejj sapürupuniw nayamp chicäsqui, Tatay, utamansti wiñayapuniw jacä.

Juan 14:27 Samarañwa jaytapjjsma. Nayan samarañajjwa churapjjsma, ucampis janiw nayajj samarañjj churcti cunjämtejj acapachajj churqui uqhama. Jan llaquisipjjamti ni ajjsarapjjaraquimsa.

Filipenses 4:7 Diosajj jumanacarojj churapjjaraquítamwa samarañapa, ucasti take cuntejj jakejj amuyt'caspas ucat juc'amp jach'awa. Uca samarañasti jumanacan chuymancamsa, amuyunacamsa imaniwa Cristomp mayaquípjatam laycu.

Proverbios 3:24 Samart'ascäta ucqhasti janiw ajjsarayascätati; iquintjäta ucqhasa jan ajjsarasaw icjjaraquïta.

Salmos 4:8 Nayajj jan cuna llaquiniw iquintta, mäquiw icjaracta, Tatay, jumaquiw iyawsäwi chuymamp jacayistaja.

Salmos 33:18 Tatitusti iyawsirinacaparojj sum uñjasqui, qhuyapayasiñap suyt'irinacarojj imasquiwa,

Romanos 5:2 Cristo tokeraquiw jiwasanacajj Diosarojj jac'achastanija, iyawsäwi laycu jupat bendiciona catokañataqui. Uca bendicionansti takeniw ch'amani sayt'atätanija, Diosan marcaparu mantañataqui suyt'äwinsti cusisitätanwa.

Isaías 55:12 Jumanacajj ucatjja cusositaw mistunjapjjäta, marcamarusti sumaquiw cuttawayjjapjjaraquïta. Jumanacar uñjasinsti montenacasa, kollunacasa cusisiñat k'ochupjjani, pampanquiri kokanacasti amparanacapwa t'ajllisipjjaraquini.

Juan 16:22 Uca pachparaquiw jumanacajj jichhajj llaquisipjjita; ucampis nayajj

wasitampi cutt'anis uñjapjjäma, ucqhawa jumanacajj wal chuymanacaman cusingejäta, uca cusingisti janiw qhitis apakapcätamti.

Lucas 12:9 Ucampis jakenaca nayrakatan jan uñt'ir tucupquitu ucanacarojj Diosan angelanacap nayrakatanjj jan uñt'irw tucuraquëjja.

Mateo 10:30 Ucampis jumanacatjja take ñic'utanacamasa mayat mayat suma jact'atawa.

Isaías 54:10 Jach'a kollunacajj yakha chekarusay sartasipcpa, kollunacas aynacharusay jutasipcpa, ucampis munasiñajjajj jumataquejj janipuniw tucuscaniti, uqhamaraqui sumar mantäwi arust'äwejjajj janiw t'unjatäcaniti." Uqham siwa jumar qhuyapayiri Tatitoja.

Mateo 11:28-30 Nayar jutapjjam take karjatanaca jatjatanaca, nayaw samarayapjjäma. 29 Nayan yugoja apapjjam, ucatsti nayat yatekasipjjaraquita. Nayasti llamp'u chuymani, alt'at chuymaniraquïtwa, ucatwa almaman samarañapjja jicjjatapjjäta. 30 Nayan yugojasti jasa apañaquiwa, qhumojjasti sinti phisnaquiraquiva.

Cantares 2:10 Nayan munatajjasti situwa: "Sartasim, munatajjay; sarañäni.

Oseas 2:14,19,20 Nayaw juparojj munäwa: Wasarar irpasin chuymaparuw parljjayä. 19 Israel marca, nayaw jumarojj esposajja wiñayatac tucuyäma, chekpacha esposajja, leyirjama take chuymajjampi jumar munatajj laycu. 20 Esposajjaruw tucuyasäma, jumaruquiraquiw munäma, ucapachaw jumajj Tatiturjam uñt'asitäta.

Éxodo 3:14 Ucat Diosajj Moisesarojj saraquïnwa: —NAYÄTWA QHITÏCTEJJ UCAJJA. Uqham sasaw israelitanacarojj säta: 'NAYÄTWA sisqui ucawa qhithanitu jumanacan ucaroja' sasa.

Oseas 13:4 Tatitojj siwa: "Naya Tatituwa juman Diosamätija, Egiptonccäyätasa ucqhatpacha; jan qhitirus Diosamatija uñt'asimti, jan ucasti nayaruqui, nayaquiraquïtwa juman khespiyirimajja.

Juan 15:14 Jumanacajj nayan amigonacajjäpjätawa, cuntejj nayajj jumanacar sapcsma uc lurapjjäta ucajja.

Apocalipsis 3:20 Acajjay nayajj puncuncasctwa, lek'escaractwa. Maynitejj arojj ist'asin jist'aritanejja, nayajj jupan ucaruw mantä, jupampiraquiw mank'ä, jupasti nayampiraqui.